

خدمة العقيدة بدير مارمينا بالغردقة



١- الله

٦- الإيمان

٢- الأقانيم
الثلاثة

٧- الأسرار
السبعة ج ١

٣- التجسد

٨- الأسرار
السبعة ج ٢

برنامج
إعرف
عقيدتك

٤- الفداء

٩- إلهية
المسيح ج ١

٥- الخلاص

١٠- إلهية
المسيح ج ٢

إعداد أ / عماد إدوارد برعاية قدس أبونا أغسطينوس



خدمة كدير مارمينا بالفرسفة

برنامج

اعرف


عقيدتك

الدرس الأول

الله



الله



س 1

هل نحن كمسيحيين نوّمن بآله واحد؟؟؟!

طبعًا.. من 2000 سنة ولآخر يوم في حياتنا
 بالحقيقة نوّمن بآله واحد ... (قانون الإيمان)...
 ((الرب إلهنا رب واحد)) مرقس 12 : 29

س 2

الله عمره قد إيه؟ ومين خلقه؟

الله هو اللي خلق الزمن علشان كدا مالهوش بداية .. إحنا كبشر لينا بداية الله خالق
 مستحيل يكون مخلوق .. إحنا كبشر كل شيء حوالينا يوجد مَن صنعه، لكن
 القانون البشري دا لا ينطبق على الله.

س 3

الله شكله إيه؟ هل هو فعلاً زينا بس أجمل؟!

طبيعة الله غير طبيعتنا .. علشان كدا ربنا مالهوش شكل بشري زينا ..
 يعني الله ما ليهوش عيون وبق ورجلين زينا ..
 الله روح ... ما ليهوش جسم ...



3

س 4

إزاي الله ملهوش جسم واحنا بنلاقي صورته في كل بيوتنا وكنائسنا ؟

الله اتخذ جسم بشري يظهر بيه ونشوفه ... وفضل بالجسم دا (33) سنة ..
بنسميها فترة التجسد ... لكن قبل التجسد ،،، ربنا مكانشي ليه جسم ..

س 5

هل الأقانيم الثلاثة هم ثلاثة آلهة ؟

لا طبعًا .. إحنا مش كفار علشان نؤمن بثلاثة آلهة أو إلهين حتى ..
الله موجود بذاته لم يوجد له أحد، دا بنسميه أقنوم الآب .. الوجود
الله عاقل، ودا بنسميه أقنوم الابن
الله حي، ودا بنسميه الروح القدس
الله واحد ، موجود – عاقل – حي

س 6

إزاي $1 = 1 + 1 + 1$ ؟

لأ .. هي : $1 = 1 \times 1 \times 1$

س 7

هل يوجد دليل من الحياة بتاعتنا يؤكد دا ؟

طبعًا .. أكبر دليل هو .. انت ..
1- جسد 2- عقل 3- روح
لو حد قالك : أنت 3 مش 1 !! هتضحك جدًا جدًا وتقول :
إزاي انت شايقتي ثلاثة!! أنا إنسان واحد ..

4

س 8

ليه منقولشي إن الله واحد وبلاش حكاية آب وابن وروح قدس دي؟؟

طيب إزاي ..؟؟
 الله واحد بس مفهوش روح !!!
 هل انت تقدر تؤمن بآله غير حي..؟ بالتأكيد لأ..
 هل انت تقدر تؤمن بآله غير عاقل..؟ مستحيل طبعا..
 هل انت تقدر تؤمن بآله أوجده إله آخر؟ مش ممكن..
 اللي يؤمن إن الله واحد بس ملهوش وجود وعقل وروح دا يبقى مجنون

س 9

إزاي لو واحد بيؤمن أن الله واحد بدون وجود وعقل وروح يبقى
 مجنون؟

زي لما واحد يقول لك إن أمجد دا ولد واحد بس مفهوش جسم أو
 عقل أو روح !!!
 إزأااااااي بأه .. أفهمها دي !
 مش ممكن طبعا ...

س 10

هل الله موجود في السما بس ولا موجود في كل مكان ؟

الله موجود في كل مكان

معنى كدا إن الله موجود في الحمام وموجود في أماكن الزبالة.
وموجود في الأماكن اللي فيها شر وعيب !!؟

أيوه .. الله موجود في كل مكان .. مستحيل يوجد مكان بدون الله..
لكن .. الله يؤثر في المكان ولا يتأثر بالمكان ..
زي الشمس .. تطلع أشعتها على أكوام الزبالة ..
تنصفها وتموت البكتريا اللي فيها ، وفي نفس الوقت أشعة الشمس لا تتلوث
بالزبالة، ربنا زي كدا...

هل صحيح إن الله اتجوز السيدة العذراء وخلف منها السيد المسيح ؟

مستحيل طبعًا .. دا كلام فارغ وعيب .. ومش موجود نهائيًا في عقيدتنا .. ولا في
كتابنا المقدس ولا في أقوال الآباء ، ولا حتى آمن فيه مسيحي واحد.
الله ملهوش جسم زي ما قلنا .. وبعدين العذراء طول حياتها عاشت عذراء..
والسيد المسيح هو نفسه الله بس بعد ما أخذ جسم بالروح القدس من العذراء ..

هل الأقاليم الثلاثة فيهم واحد أقدم من الثاني ؟؟

مستحيل .. هل سمعت في حياتك عن إنسان اتولد الأول وبعد كدا اتولد عقله ..
أو بعد ولادته بسنتين تلاتة لقينا روحه ...!!
هل تتخيل إن الشمس اتوجدت وبعدها بسنين اتوجد ضوءها وأحرارته
يا راجل .. دا ربنا عرفوه بالعقل..
مش ممكن طبعًا .. مفيش أقنوم أقدم من الثاني ..



خدمة كدير مارمينا بالفرسقة

برنامج
اعرف

عقيدتك

الدرس الثاني

الأفانيم الثانية

الأقانيم الثلاثة

س 1

ليه ربنا معرّفش الشعب في العهد القديم أن له ثلاثة أقانيم ؟

ربنا عرّفهم بس بشكل مبسط ومش مباشر ، يعني مثلاً ربنا في العهد القديم قال :

((نعمل الإنسان على صورتنا كشبهنا ...)) { تك 1:26 }

الله - نعمل - صورتنا - شبهنا
↓ ↓ ↓ ↓
مفرد جمع جمع جمع
.... ليه؟

لأنه إله واحد مثلث الأقانيم ... ربنا مكانش عايز يعرّف شعبه في العهد القديم إنه مثلث الأقانيم علشان كانوا عايشين وسط شعوب وثنية بتعبد آلهة كتير ... كان ممكن يتلخبطوا ، وهما نفسهم - شعب الله - أحياناً عبدوا آلهة وثنية ...!! علشان كدة مكانش الزمن مناسب لإعلان العقيدة دي بشكل واضح في ذلك الوقت.

س 2

طيب هو يعني إيه كلمة ((أقنوم)) أصلاً ؟

معناه .. كائن حي قائم بذاته ..
محدث كونه حي مش جماد ..
يقوم عليه الجوهر الإلهي ..
يعني مش ممكن الله يبقى الله بدون الأقانيم الثلاثة ..
زى ما أنت مش ممكن نعتبرك إنسان
بدون جسمك وعقلك وروحك !!!

السيد المسيح في الإنجيل يقول: ((أبى أعظم منى)) !! يوحنا 14
هل معنى كذا إن أقنوم الآب أعظم من أقنوم الابن !!؟

لا طبعاً مستحيل .. الأقانيم الثلاثة متساويين مفيش واحد فيهم
أقدم من الثاني أو مخلوق أو أقل من الثاني ...
أقنوم الابن ظهر على هيئة إنسان بسيط متواضع ضعيف يحتاج للطعام
والنوم ويصلب ويتألم ويُبصق عليه وينزف ويُجلد ... دا وضع الجسد
الى أخذه أقنوم الابن في الظهور على الأرض ...
طبعاً في الحالة دي وبالشكل دا أقنوم الآب في مجده وعظمته وبهاؤه
أعظم من الصورة الضعيفة اللي ظهر بها جسده الخاص بأقنوم الابن
وقت التجسد فقط ...

هل عقيدة الأقانيم الثلاثة موجودة في الكتاب المقدس... ولا دي حد
من الآباء القديسين كلمنا عنها ؟

أي عقيدة بنؤمن بيها موجودة في الكتاب المقدس
" فَإِنَّ الَّذِينَ يَشْهَدُونَ فِي السَّمَاءِ هُمْ ثَلَاثَةٌ: الْآبُ، وَالْكَلِمَةُ، وَالرُّوحُ الْقُدُسُ.
وَهَؤُلَاءِ الثَّلَاثَةُ هُمْ وَاحِدٌ. " رسالة يوحنا الأولى - إصحاح 5 الآية 7

ليه ما يكونشي في أربعة أقانيم ولا خمسة مثلاً؟؟

علشان الله بأقانيمه الثلاثة كامل لا ينقصه شيء ولا يزيد عليه شيء .
ذات - عقل - روح

ليه أقنوم الابن اسمه كده (ابن) ؟؟

زي ما أي ابن يولد من الأب .. كذلك أقنوم الابن مولود من الآب كولد
الضوء من قرص الشمس ...
ولادة روحية مش جسدية ..
((إني .. خَرَجْتُ مِنْ عِنْدِ الْآبِ))
إنجيل يوحنا 16 : 28

هل أقنوم الابن لما اتخذ جسد أصبح لاهوته منفصل عن ناسوته ؟

اللاهوت متحد بناسوته بدون اختلاط يعني مش زي اختلاط السكر والملح ولا
امتزاج مش زي الماء واللبن ولا تغيير يعني الابن ما بقیش آب ولا
الآب بقی ابن.

ليه في ناس بيقلوا إننا بنعبد ثلاثة آلهة ؟

فاهمين غلط .. إحنا أول ناس موحدین في العالم ..
الرب إلہنا رب واحد
اللي يؤمن بالهين مش ثلاثة دا يبقى إنسان جاهل ومش فاهم حاجة .. !!
الله لا شريك له ..



س 9

المسيح يعني ابن الله ، يعني كلمة الله وعقله ... طيب ما احنا برضه
أبناء الله ... ايه الفرق ؟؟

المسيح هو ابن الله يعني من نفس طبيعته الإلهية....
زى الضوء من نفس طبيعة الشمس
احنا أبناء الله بالتبني يعني من حب ربنا لينا اعتبرنا أولاده .. طالما آمانا به ..

س 10

امتى الأقانيم الثلاثة اتحدوا مع بعض ؟

منذ الأزل وإلى الأبد ... يعني من قبل الزمن والتاريخ وإلى ما لانهاية .

س 11

في مسيحيين يقولوا إن المسيح هو الملاك ميخائيل ؟ وفي مسيحيين
يقولوا إن المسيح أقل من الآب ؟

دول مش مسيحيين دول هراطقة ...
حتى لو هما قالوا عن أنفسهم أنهم مسيحيين ...
المسيح هو الله الظاهر في الجسد، اللى يؤمن بشيء غير كدا ما يبقاش مسيحي

س 12

هل صحيح إن الروح القدس منبثق من الآب والابن ؟

لا غلط ...
الروح القدس منبثق من الآب فقط، ودا تعليم كتابنا المقدس
وما ينفعش نألف من دماغنا.
((رُوحُ الْحَقِّ، الَّذِي مِنْ عِنْدِ الْآبِ يَنْبَثِقُ)) يوحنا 15 : 26

11



نكسمة دير مارينا بالفرقة

برنامج

اعرف

عقيدتك

الدرس الثالث

التجسد

التجسد

س 1

أبونا في القديس يقول "تجسد وتأنس" .. !! يعني إيه؟ وإيه الفرق بين التجسد والتأنس؟

تجسد يعني الله بلاهوته اللي محدش يقدر يشوفه أخذ جسم زي جسمنا بالظبط .. عيون ورجلين وبق و ... الخ وتأنس جاية من إنسان .. يعني أخذ أيضاً مشاعر إنسانية.. يفرح في عرس قانا الجليل ويحزن على أورشليم .. ويبكي على لعازر ويغضب على الباعة اللي في الهيكل ..

س 2

هل الجسد اللي أخذه ربنا فيه روح بشرية زي روحنا ولا مفيهوش؟



ربنا أخذ جسد زي جسدنا بالظبط بس بدون خطية ... جسد فيه عقل بشري وروح إنسانية.. عقله البشري كان بيزداد في العلم زي أي عقل وروحه الإنسانية هي اللي انفصلت عن جسده لما مات على الصليب.. لكن .. لاهوته فضل متحد بناسوته حتى وهو ميت .. أوعى تفكر إن الروح القدس هو اللي انفصل عن جسده...!! غلط ..

لما كان ربنا بالجسد على الأرض، مين كان بيدبر ويدير الكون؟؟؟

لما انت بتتور اللبنة في أوضتك .. النور بيكون مكثف ومتجمع جوا اللبنة وفي نفس الوقت مالي الأوضة كلها، وبرغم وجود إزاز حوالين اللبنة!!
مش كدا برضه!!

ربنا لم يتحول إلى إنسان.. ربنا اتحد بجسد إنساني ..
لكن هو زي ما هو بلاهوته موجود في كل مكان وغير محدود..

انت بتقول إن الله تجسد في العهد الجديد ... إزاي بقى زار أبينا إبراهيم بجسده في العهد القديم؟؟ كدا يبقى التجسد تم في العهد القديم!!



دا مش تجسد .. دي ظهورات لربنا في العهد القديم...
أحياناً كان بيظهر على هيئة ملاك.. زي ما ظهر لهاجر ...
وأحياناً على هيئة نار مشتعلة زي ما ظهر لأبينا موسى في الشجرة وظهر لأبينا يعقوب على هيئة إنسان وظهر لشعب إسرائيل على هيئة عمود نار وعمود سحب أثناء الخروج من مصر ..
دا مش تجسد ... دي أشكال أخذها ربنا وظهر بيها في العهد القديم ويختفي .. لمدة دقائق والهدف منها يقرب فكرة إن الله ممكن يظهر للبشر علشان ميستغربوش التجسد بعدين...
لكن التجسد ... حمل وولادة وحياء كاملة عاشها الرب على الأرض 33 سنة ...

المسيح هو ربنا.. طيب إزاي ربنا يبقى طفل رضيع يحبو وياكل ويشرب ويجوع ويعطش وينام ويبكى!!! فى إله بالشكل دا ؟

الله بلاهوته ملهوش بداية أو نهاية .. ولا يعطش ولا ينام ولا يتألم ولا يموت ولا يكبر فى العمر وليس له شكل أو جسم ، كل الأوصاف اللى بتلكمني عنها دي حصلت للجسد اللى أخذه ربنا ...

فى الكنيسة بنقول "آمين آمين آمين بموتك يا رب نبشر"!!! إنت قلت اللى مات هو الجسد لما الروح البشرية انفصلت عن الجسد .. طيب ليه هنا بتقول إن اللى مات هو ربنا ؟!!!

اتحد لاهوت الله بالجسد البشري ... الموت فعلاً حدث للجسد .. اللاهوت لا يموت .. كل الفكرة إن أي شيء يحدث للجسد ننسبه للاهوت .. ليه؟

علشان الجسد متحد إتحاد كامل مع اللاهوت ..

مش فاهم ..!!

أفهمك .. إنت مكون من جسد وروح .. لما بتاكل بنقول (مايكل) أكل .. مع إن اللى أكل هو جسدك فقط .. بس بسبب اتحاد جسدك بروحك بننسب الفعل ليك كلك .. فهمت؟

ينفع نقول "جسد مايكل أكل النهاردة"؟؟
مش ممكن طبعاً ..

**التَّاسُوتُ : الطبيعة البشرية ،
اللاهوت : الطبيعة الإلهية**

في ناس بتقول مستحيل ربنا يتحد ويظهر بجسم إنسان!!

ليه مستحيل ... الله قادر على كل شيء .. والجسد الإنساني مش عار أو حاجة وحشة، بدليل إن ربنا وقت ما خلق الإنسان اعتبر إن دا شيء حسن جداً..
وبعدين الناس دي بتقول إن ربنا ظهر لموسى النبي على هيئة نار!!!
يعني يظهر على هيئة نار دا معقول، ويظهر بجسد بشري مش معقول!!
جسد الإنسان أرقى بكثير من النار .

هو ليه ربنا اتجسد أصلاً ؟

لأن أبينا آدم وأمنا حواء أخطأوا وأكلوا من الشجرة... ربنا حكم عليهم بالموت ..
أبينا آدم وأمنا حواء هما ممثلين عن كل البشر.. ربنا من حبه أخذ الحكم بالموت
على نفسه .. بس في مشكلة ..

الله روح ليس له جسد .. لاهوته لا يتألم أو ينزف أو يصلب أو يموت..
إيه الحل؟

الحل إنه يأخذ جسد إنسان كامل .. وظهور ربنا بالجسد أعطانا الفرصة إننا نشوفه
ونسמע ونلمسه .. ويعلمنا الوصايا ويعطينا بركة ... كل الأماكن اللي زارها ربنا
بجسده أصبحت مباركة .. المحرق ، درنكة ، سمنود ، كفر الشيخ ، بيت لحم ،
الناصره ...



إيه الدليل من الكتاب المقدس إن الله تجسد !!؟

من العهد القديم ربنا يقول
 ((لأنَّهُ يُولَدُ لَنَا وَلَدٌ وَنُعْطَى ابْنًا، وَتَكُونُ الرِّيَّاسَةُ عَلَى كَتِفِهِ، وَيُدْعَى اسْمُهُ عَجِيبًا،
 مُشِيرًا، إِلَهَا قَدِيرًا، أَبَا أَبَدِيًّا، رَئِيسَ السَّلَامِ))
 { أشعياء 9 : 6 }

لنا —> جمع نعطي —> جمع
 وبرغم أنه سيولد إلا أنه في نفس الوقت ((إلها)) ...
 من العهد الجديد
 ((عَظِيمٌ هُوَ سِرُّ التَّقْوَى: اللهُ ظَهَرَ فِي الْجَسَدِ))
 { رسالة بولس الرسول الأولى إلى تيموثاوس إصحاح 3 }

صلاه ..

يا إلهي ..

حياتي وقلبي وكل نفسي ملكك .. شرفت حياتي بتجسّدك ...

أنا لا أستحق كل خيراتك دي ومحبتك دي ..

خليني يا رب ملكك أنت وحدك ..

آمين



خدمة كدير مارينا بالفرسفة برنامج

عقيدتك

اعرف

الدرس الرابع


الفداء



الفداء

س 1

لما آدم أخطأ.. ليه ربنا مغفرلهوش وقبل توبته وخلص بدل موضوع الصلب دا؟




ربنا وضع قانون .. الخطية عقابها الموت .. لو قاضي حكم على المجرم بالموت والمجرم دا ندم وتاب وحلف ميت يمين إنه مش هيعمل كدا تاني..!
هل المفروض القاضي يسامحه ويحكم عليه بالبراءة !!!
بالتأكيد لأ ..
والإ يبقى قاضي ساذج ..
ربنا مُحب للبشر وقلبه طيب إلى درجة نهائية ، ولكنه كمان عادل إلى أقصى درجة ... لو صفة العدل أقل من صفة الحب في الله ميبقاش إله ..
لازم صفاته كلها تكون كاملة ...

س 2

أنا إيه ذنبى إن جدى آدم غلط وعصى كلام ربنا وأكل من الشجرة؟

إحنا ربنا مش هيحاسبنا علشان خطية الأكل من الشجرة ..
علشان اتعمدنا واحنا اطفال .. والمعمودية دى بتغفر الخطية الجديه وأى خطية اتعملت قبلها ...

ليه ربنا مخلص إنسان هو اللى يفدي البشر ؟!



قولت لك طبيعتنا جميعًا بقيت فاسدة..
مينفعش واحد طبيعته فاسدة ينقذ واحد طبيعته
فاسدة...

ينفع واحد محكوم عليه بالإعدام يقول موتوني
أنا

بدل كل المحكوم عليهم بالإعدام ؟!!
وبعدين الإنسان محدود ..
الفداء لكل البشر في كل زمان ومكان.

ليه ربنا انتظر السنين دي كلها من خطية آدم لحد تجسده علشان يفدي
البشر ؟

عند ربنا كل شيء له وقته المناسب .. ربنا انتظر حتى ولدت الإنسانية
المناسبة التي تستطيع أن تتحمل كل هذا المجد ، إنسانة متضعة قديسة
ظاهرة حياتها الصلاه ... وانتظر أيضًا إنتشار اللغة اليونانية في
العالم كله علشان ينتشر الملكوت في العالم ، وانتظر الله سنين
كثيرة يمهد للبشر لكي يقبلوا فكرة ان الله يظهر بجسم إنساني..
الموضوع دا مش سهل ، وكمان ربنا انتظر ولادة الآباء الرسل
اللى هينشروا الكرازة وولادة هيرودس وبيلاطس ويهوذا
وكل الشخصيات دي ..



س 5

في ناس بيقولوا إن احنا اشتركنا مع آلام السيد المسيح على الصليب ؟

مستحيل طبعاً .. السيد المسيح عانى نوعين من الآلام ...
آلام الخدمة في حياته .. زي مقاومة اليهود له وسبه وشتمه ،
وآلام الصليب والفداء ..
إحنا بنشترك مع السيد المسيح في آلام الخدمة ، لما نتعب في خدمة الكنيسة أو
نضطهد لأننا مسيحيين ..
لكن آلام الصليب محدش شارك السيد المسيح فيها
اجتازها لوحده ...

س 6

معقول التعب دا كله والفداء دا كله علشان بس خطية آدم ؟

السيد المسيح هو مخلص العالم .. جاء لكي يرفع خطايا العالم كله مش آدم وحده .

س 7

في ناس بتقول إن حتى غير المسيحيين والوثنيين وأديان أخرى ممكن
توصل أتباعها للخلاص و الحياة الأبدية ؟

كلام الإنجيل واضح لما تكلم عن السيد المسيح وقال :
(لَيْسَ بِأَحَدٍ غَيْرِهِ الْخَلَاصُ) { أعمال الرسل 4 : 12 }

س 8

لما مات السيد المسيح على الصليب .. راح فين ؟

راح الجحيم وأخرج الأبرار اللي فيه ليدخلوا الفردوس.

طالما المسيح فدانا من الموت ، ليه كل الناس لحد دلوقتى بيموتوا ؟

الموت قبل الصليب كان عقوبة، لكن بعد الصليب المؤمن بيشتهي الموت
لكي ينتقل إلى أحضان المسيح .
((لِي اشْتِهَاءً أَنْ أَنْطَلِقَ وَأَكُونَ مَعَ الْمَسِيحِ، ذَاكَ أَفْضَلُ جِدًّا))
{ فيلبي 1 : 23 }

هل صحيح إن اللى اتصلب مش السيد المسيح لكن شخص آخر شبهه ؟

هل أنت تصدق إن ربنا يعمل كذا ؟!! يجب إنسان برئ ويغير شكله
ويخلي شكله شبه شكل المسيح علشان اليهود يفتكروه المسيح ويصلبوه!!؟
في إله يعمل كذا ..؟! خداع !! ... حاشا .
وبعدين هو ربنا عايز المسيح لا يصلب كان عنده ألف وسيلة غير
الخداع والنصب ..
وبعدين السيد المسيح مرات كثيرة أكد إنه جاي للأرض علشان يتصلب ..
يروح بعد دا كله يهرب من الصלב ..
وليه الراجل دا مقالش أنا مش المسيح، ولو الموقف دا حصل حقيقي
بكرا وبعده نشوف لوقا نقول ممكن يكون مش لوقا ، ممكن يكون
سامي مثلاً وواخد شبه لوقا والعالم كله يوقع في مشاكل ..

المسيح هو الله .. طيب مين اللى اخد روحه القدوس على الصليب؟
ربنا موت نفسه يعني ؟

كلامك غلط .. اللى مات على الصليب هو الناسوت مش الروح القدس.
الروح البشرية انفصلت عن الجسد البشري وفي نفس الوقت الروح البشرية
كانت متحدة مع اللاهوت والجسد الميت كان متحد مع اللاهوت ، والله بلاهوته
أخذ روحه البشرية وبلاهوته أعادها مرة أخرى بعد ثلاثة أيام .

ليه الفداء بالجسد المتحد باللاهوت ؟ ليه مكانشى بالجسد فقط ؟

المسيح جاء ليفدي العالم كله ، ولو ناسوته مش متحد بلاهوته مكانشي
 قدر يفدي العالم كله ..
 إتحاد الناسوت باللاهوت خلى الفداء غير محدود ..
 علشان كذا الناس اللي بيقلوا إن المسيح له طبيعتين ،
 بيرتكبوا أكبر خطأ في حق الفداء .

ليه المسيح مات على الصليب .. ؟ طالما جاي يموت، كان عاش على
 الأرض لحد ما مات طبيعي ؟

مينفعش ... لازم الموت بالدم
 ((بِدُونِ سَفْكِ دَمٍ لَا تَحْصُلُ مَغْفِرَةٌ))
 { عبرانيين 9 : 22 }

يدك المتقوية ربي تسينى
 تسفل فيا اشواقى وحنينى





خدمة كدير مارمينا بالفركفة

برنامج

اعرف

عقيدتك

الدرس الخامس

الخلاص

الخلاص

س 1

يعنى إيه عقيدة الخلاص؟

ربنا خلق الإنسان محب للخير .. قلبه نقي .. الإنسان أخطأ .. طبيعته البشرية فسدت .. وبقي لما يموت يقبض إبليس على روحه ويضعها في الجحيم .. احتاج الإنسان لمخلص يرجعه مرة ثانية لطبيعته الأولى .. ويرفع عنه حكم الموت الأبدي .

س 2

إيه هى الشروط المطلوبة منى علشان أدخل الملكوت ؟

مطلوب منك أربعة أشياء :-

1- إيمان 2- المعمودية 3- الأسرار 4- الأعمال

أولاً : الإيمان .. لازم تؤمن أن المسيح هو الله الظاهر في الجسد مش نبي .. وإيمانك دا مش كل حاجة ، دي نقطة البداية بس ...

((آمن فتحص)) { أعمال الرسل 16 }

يبقى الإيمان هو الشرط الأول، بس مش هو الشرط الأخير ..

ولازم الإيمان يكون إيمان حي .. يعنى إيه ؟

يعنى متقولش أصل أنا إيماني بالمسيح خلاني إنسان كويس ومهما عملت شرور

برضه هدخل الملكوت أصل أنا مسيحي مؤمن !!!!

إنت مضحوك عليك .. ((إيمان بدون أعمال ميت)) { يعقوب 2 : 20 }

إيمان بدون أعمال كويسة دا اسمه إيمان شياطين !!!

إيه دا هما الشياطين بيؤمنوا ؟؟؟ !

آه الشياطين بيؤمنوا إن المسيح هو الله ، لكن معندهم مش أعمال صالحة

ويقشعروا من كتر شرورهم وفسادهم ..

ثانياً : المعمودية ... السيد المسيح وضع بنفسه شرط المعمودية وقال

إن أي إنسان مش هيتولد من فوق مش هيدخل الملكوت .. !!

يعني إيه يتولد من فوق ؟ يروح السما مثلاً ويتولد فيها .. !!؟
 لأ طبعاً .. المقصود إنك بعد الإيمان لازم تتعمد .. المعمودية في العقيدة
 المسيحية بنسبها " الولادة الثانية " ... الولادة الأولى هي الولادة الطبيعية من
 ماما ..

((الْحَقُّ الْحَقُّ أَقُولُ لَكَ: إِنْ كَانَ أَحَدٌ لَا يُؤَلِّدُ مِنَ الْمَاءِ وَالرُّوحِ لَا يَقْدِرُ أَنْ يَدْخُلَ
 مَلَكُوتَ اللَّهِ.)) { يوحنا 3 : 5 }

يبقى إيمانك بس بالمسيح مش هيخلصك

((مَنْ آمَنَ وَاعْتَمَدَ خَلَصَ)) { مرقس 16 : 16 }

بعد عظة القديس بطرس آمن بالمسيح 3000 إنسان التلاميذ عمدوهم أعمال 8
 ثالثاً : الأسرار .. الأسرار عددها سبعة .. لازم نمارس أول أربعة منها ..

المعمودية - الميرون (علشان تنال الروح القدس)

التوبة - الاعتراف ، علشان قلبك دائماً يبقى نقي ..

والتناول (الإفخارستيا) علشان تثبت في المسيح ..

لكن سر الزيجة والكهنوت ومسحة المرضى مش لازم لكل الناس ..

رابعاً : الأعمال .. الأعمال نوعين ..

(أ) أعمال شريرة تحرمنا من الملكوت .. ((أَمْ لَسْتُمْ تَعْلَمُونَ أَنَّ الظَّالِمِينَ لَا
 يَرِثُونَ مَلَكُوتَ اللَّهِ؟ لَا تَضَلُّوا: لَا زِنَاةً ... وَلَا سَارِقُونَ وَلَا طَمَّاعُونَ وَلَا سَكِيرُونَ
 وَلَا شَتَّامُونَ وَلَا خَاطِفُونَ يَرِثُونَ مَلَكُوتَ اللَّهِ))

{ رسالة بولس الرسول الاولى لأهل كورنثوس إصحاح 6 : 9-10 }

(ب) أعمال كويسة تدخلنا الملكوت ...

((فَإِنَّهُ تَأْتِي سَاعَةٌ فِيهَا يَسْمَعُ جَمِيعُ الَّذِينَ فِي الْقُبُورِ صَوْتَهُ فَيُخْرِجُ الَّذِينَ فَعَلُوا
 الصَّالِحَاتِ إِلَى قِيَامَةِ الْحَيَاةِ وَالَّذِينَ عَمَلُوا السَّيِّئَاتِ عَلَى قِيَامَةِ الدِّينُونَةِ))

{ يوحنا 5 }

((مَا الْمَنْفَعَةُ يَا إِخْوَتِي إِنْ قَالَ أَحَدٌ إِنَّ لَهُ إِيمَانًا وَلَكِنْ لَيْسَ لَهُ أَعْمَالٌ، هَلْ يَقْدِرُ
 الْإِيمَانُ أَنْ يُخَلِّصَهُ؟)) { يعقوب 2 : 14 }

**أكبر خدعة يوقعك فيها الشيطان إنه يبعثلك ناس يقتعوك إنك طالما اسمك جورج
أو مايكل أو جرجس يبقى انت داخل الملكوت داخل!!
وتلاقي حد بيقولك المهم الإيمان .. المسيحي ضامن الملكوت !!..
مش بالتوبة والأعمال !!!!
كلاااااااا شياطين .. متصدقش ..
(إِنْ لَمْ تَتُوبُوا فَجَمِيعُكُمْ كَذَلِكَ تَهْلِكُونَ) { إنجيل لوقا 13 : 5 }**

س 4

القديس بولس قصده إن لو واحد مش مؤمن بالسيد المسيح لكنبيعمل أعمال خير .. أعمال الخير مش هتخلصه مش هتدخله الملكوت..

س 5

نعمة ربنا والروح القدس مش هيجبرك على الأعمال الكويسة..
 الإنسان حر .. لازم انت تكون عايز تبقى كويس ..
 لو نعمة ربنا والروح القدس بتجبر الناس الوحشة إنها تبقى كويسة،
 مكانشي بقى في واحد من الناس الوحشة في الدنيا..
 ربنا مش هيلغى حريتك.

إحنا مؤمنين بالسيد المسيح وأصبحنا أولاده، مش دا كافي إننا ندخل الملكوت ونخلص ؟ مش دا أسهل ؟

طيب وكلام ربنا نلغيه؟؟!! نلغي المعمودية والتوبة والأعمال!!!! هو العقيدة تحت مزاجنا .. وبعدين مين قال إن الخلاص سهل؟؟
((ما أضيق الباب وأكرب الطريق المؤدي إلى الملكوت ، وقليلون هم الذين يجدونه)) { متى 7 }
واسمع القصة دي ،،
شاؤل كان يكره المسيحيين، ظهر له السيد المسيح شخصياً ودار بينهم حوار .. آمن شاؤل ..
شاؤل سأل السيد المسيح ((ماذا تريد يا رب أن أفعل؟))
السيد المسيح مقالوش ولا حاجة يا حبيبي طالما آمنت خلاص كده هتخلص!! ربنا قاله روح لحنانيا الدمشقي .. حنانيا دا قال إيه لشاؤل قوم علشان تتعمد!! أعمال 22

طيب إزاي اللص اليمين نال الخلاص وهو لا تاب ولا اعترف ولا اتعمد ولا عمل أعمال كويسة ؟

أولاً : اللص اليمين تاب واعترف بشروره قدام جميع الناس كمان لما قال ((نحن بعدل جوزينا لأننا ننال استحقاق ما فعلناه))!!..
يعني اعترف إنه يستاهل الجزاء بالصلب لأنه غلط وأخطأ في حياته ..
في حد يقول كدا إلا إذا كان تايب ؟ وبعدين إيه هي المعمودية ؟
هي إننا نموت مع المسيح .. طبعاً مش هنموت حقيقي .. علشان كدا بنتغطس في جرن المعمودية رمز إننا متنا مع المسيح ..
إيه رأيك بقي إن اللص اليمين مات حقيقي مع المسيح!!
ودي بنسميها معمودية الدم ، زي الناس الوثنيين اللي كانوا بيقبلوا



الإيمان ويحكم عليهم الوالي بالذبح ..
واللص اليمين عمل اعمال كويسة على
الصليب .. لما قال للمسيح
((أذكرني يا رب متى جئت في ملكوتك))
معناها إن عنده إيمان قوي ورجاء وثقة
إن الموت مش ه يغلب
السيد المسيح ، وإنه هيشوفه في
الملكوت وكمان كان عنده غيرة
على المسيح لما اللص الثاني شتم السيد
المسيح، اللص اليمين
قال له إنت ما تخافشي ربنا .. إنت تحت
هذا الحكم
وكان كل همه إنه يروح الملكوت ..

س 8

إزاي واحد مسيحي مؤمن بالمسيح وبسبب أعماله الوحشة يروح
جهنم ويهلك ؟ إزاي ؟

دا مؤكد إنه هيهلك ... شوف .. السيد المسيح شبه نفسه بكريمة عنب وشبهنا إحنا
بالأغصان وقال أي غصن ميحببش ثمر (يعني ملهوش أعمال كويسة) هيقلعه
ويرميه بره ينشف وبعدين يلموه ويرموه في النار يتحرق (جهنم) يوحنا 15
والدليل إن في واحد كان اسمه ديماس تلميذ بولس الرسول وكان راجل قديس
عظيم ، ديماس دا ساب الإيمان وعمل أعمال وحشة { 2 تيموثاوس 4 }



29

هل صحيح إن في ناس مسيحيين ربنا حددهم واختارهم إنهم هما بس
اللى هيدخلوا الملكوت وغيرهم لأ ؟ وإيه ذنب باقي المسيحيين
المؤمنين اللي ربنا مخترهمش ؟

مين قال لك على التخاريف دي ...!!!؟
الكلام دا غير صحيح ..
ربنا عارف المستقبل ..
عارف مين اللي هيعيش حياته مرتبط بالكنيسة
وأعماله كويسة وهيموت مؤمن ،
والناس دي ربنا سماهم مختارين
ربنا عادل .. معندوش ناس وناس ،
ربنا يريد إن كل الناس يخلصون ..
يبقى مختارين مش معناها ناس ربنا اختارهم على مزاجه ..
حاشا ..





خدمة دير مارينا بالفرقة

برنامج
اعرف
عقيدتك

الايمان

الحرس السادس

الإيمان

س 1

إيه هو الإيمان ؟

الإِيمَانُ فَهُوَ الثِّقَّةُ بِمَا يُرْجَى وَالْإِيْقَانُ بِأُمُورٍ لَا تُرَى {عبرانيين 1:11}

يعني إيه مش فاسا هم ؟ !

يعني تثق إن في حياة بعد الموت .. وفي فردوس وجحيم .. وتثق إن الله موجود .. والملائكة موجودة .. والمجيء الثاني . كل الحاجات دي تبقى واثق منها برغم إنك مشفتهاش بعينك .. هو دا الإيمان ..

س 2

نحن نؤمن إن السيد المسيح هو الخالق، طب ممكن تقولي خلق إيه؟ وهل هو خلق بإذن الله ؟

السيد المسيح هو اللي خلق الكون كله بكل ما فيه وكمان هديك مثالين إن السيد المسيح خلق أشياء من العدم ...

لما أشبع الوف الناس من خمس خبزات وسمكتين .. بالتأكيد السمكتين مكفوش الآلاف دي ..

طيب آلاف الأسماك والخبز جه من فين؟!

السيد المسيح هو اللي خلقه ..

وكمان الراجل الأعمى اللي مكانشي فيه عيون أصلاً ربنا

عمل له عيون من طين .. !

وعايز أعرفك شيء ، صفة الخلق دي خاصة بالله وحده ..

مفيش خالق كبير وخالق صغير

أو خالق بإذن الله ..


الله هو الخالق .

هل إحنا كمسيحيين حول العالم إيماننا واحد ؟

لأ .. إيماننا مش واحد .. المسيحيين فضلوا (450) سنة ليهم نفس الإيمان حول العالم .. لكن في ناس في الغرب دخلهم الكبرياء والسياسة وغيروا وزودوا عقائد في الإيمان للأسف .. لكن إحنا الكنيسة الأرثوذكسية حافظنا على الإيمان الذي استلمناه من السيد المسيح والآباء القديسين منذ (2000) سنة ، لا زودنا ولا نقصنا ولا غيرنا ولا ألفنا .. علشان كذا إحنا اسمنا أرثوذكس يعني (مستقيمي الرأي).

هل صحيح إن إحنا واخدين إيماننا من الفراعنة ؟!!! الفراعنة كانوا بيؤمنوا بثلاث أقانيم إيزيس وأوزوريس وحورس... وإحنا بنؤمن بثلاث أقانيم ؟

الكلام دا مش مضبوط ... الفراعنة كانوا بيؤمنوا بحوالي 1500 إله! العجل أبيس - الإله رع - آتون - آش إله الصحراء الغربية - آمون - أنوبيس - أوزوريس - حورس - إيزيس - باخت - سخمت - بتاح - وغيرهم ، والفراعنة مكانوش يعرفوا كلمة أقنوم .. دي كلها آلهة منفصلة ...





هل صحيح إحنا بنؤمن بالحسد..؟ العين صابتني
ورب العرش نجاني!! ولو قلنا خمسة وخمسة
الحسد يروح!!؟

**دي تخااااا اريف ... مفيش حاجة بتحصل في الكون دا بسبب شعاع يطلع من عين يفرق كاوتش أو يخلي واحد يمرض أو يسقطه في الإمتحان ..
الله هو فقط ضابط الكل ..**

الكون دا له خالق واحد مسئول عن كل ما فيه ...

إِذَا كُنَّا كَمَسِيحِيِّينَ بَنُو مَنْ بِالْحَسَدِ وَفِي صَلَاةِ الشُّكْرِ بِنَقُولِ

"نجنا من كل حسد .." ، وإخوة يوسف رموه في البئر حسداً ، واليهود

حسدوا السيد المسيح علشان الناس كلها بقيت بتمشي وراه ...

الحسد في الإيمان المسيحي هو حقد وكرهية لشخص معين علشان عنده نعم كثير .. لكن لا نؤمن بعيون تحسد وجزمة مقلوبة وقرد وخمسة وخمسة وكل الخرافات دي ..

لو الحسد عيون فيها قدرة جبارة كان اليهود رشقوا السيد

المسيح عين موثوه...!!!

أو إخوة يوسف يحسدوه يوقع فى البئر لوحده !!!

ولو في حسد بمعنى إن العين لها تأثير زي Superman كدا .. مكانشي فِضْل
بني آدم واحد في الدنيا ناصح أو غني أو صحتة بمب !!.. ضروري كان هيلَاقِي
حد يحسده ..

متصدقشی الخرافات دی ، ثق فی ایمانک.



في واحد قال لي إنتوا مش مؤمنين لأنكم بتعبدوا الصليب !!! هل
صحيح إحنا بنعبد الصليب ؟؟

نحن نعبد الله الواحد فقط ... لا يوجد نصّ واحد في الكتاب المقدس أو عبارة قالها
أحد القديسين أو طقس كنيسة يقول إننا بنعبد الصليب !!!
نحن نفتخر بالصليب إكراماً للمسيح الذي صُلب عليه ، لكن لا نعبدّه !!!
واحفظ الآية دي ..
(الرَّبِّ إِلَهَكَ تَسْجُدُ وَإِيَّاهُ وَحْدَهُ تَعْبُدُ) { لوقا 4 : 8 }

إحنا بنؤمن بعصمة الأنبياء !!! معروف إن الأنبياء مبيغلطوش أبداً !!
طيب إزاي أبينا نوح سكر؟ وموسى، النبي قتل واحد مصرى ؟؟

أولاً .. إحنا مش بنؤمن بعصمة الأنبياء ..
(الْجَمِيعُ زَاغُوا وَفَسَدُوا مَعًا. لَيْسَ مَنْ يَعْمَلُ صَالِحًا لَيْسَ وَلَا وَاحِدٌ)
(رسالة بولس الرسول إلى أهل رومية 3: 12)
ثانياً .. الوحيد الذي لم يخطئ أبداً هو السيد المسيح ، وكون
إن نوح سكر مرة مش معناه إنه عاش طول عمره سكير ..
ولا إن موسى النبي فضل يقتل في الناس .. دي أخطاء حصلت في لحظة
ضعف وهما تابوا عنها ...
ثالثاً .. كون الكتاب المقدس يذكر أخطاء الأنبياء دا أكبر دليل على إنه
كتاب صادق .. لأنه لو كان مُحَرَّف كنا شيلنا منه الأخطاء دي !!
الأنبياء معصومين أثناء كتابة الكتاب المقدس فقط ..
وربنا مش مسئول عن الأخطاء دي .. ربنا مقالهمش إغلطوا ..

في ناس بتقول إن السيدة العذراء هي الوحيدة اللي اتولدت من غير خطية آدم . (قدس العلي مسكنه) مز 45 ، إيه رأيك ؟ وهل إحنا بنعبد السيدة العذراء ؟



لو العذراء وُلدت من غير خطية يبقى مش محتاجة للخلاص ..
للفداء .. ودا مستحيل (الْجَمِيعُ زَاغُوا وَفَسَدُوا مَعًا. لَيْسَ مَنْ يَفْعَلُ صَلاَحًا لَيْسَ وَلَا وَاحِدٌ) (رسالة بولس الرسول إلى أهل رومية 3: 12)
الجميع .. حتى العذراء .. لو ينفع إن شخص يخلص من غير دم المسيح
كان ربنا طبق القاعدة دي على كل البشر ،
والعذراء نفسها قالت ((فلتعظم نفسي الرب ولتبتهج روعي بالله مخلصي))
الله مخلصي .. يعني العذراء محتاجة للخلاص
زيانا بالظبط ... السيدة العذراء قديسة عظيمة لا نستحق تراب رجليها ..

ولكننا لا نعبدها .. وليست معصومة من الخطية ... قدس العلي مسكنه .. العلي هو الله ومسكن المقصود به رحم العذراء .. وطبعاً ربنا قدّسه بالروح القدس .. فترة الحمل فقط . داود النبي بيقول ((بالخطية ولدتني أمي))
يعني بخطية آدم وفساد الطبيعة البشرية ... وعلى فكرة .. الناس اللي بتقول إن العذراء اتولدت من غير خطية آدم قالوا الكلام دا بعد 1850 سنة من حياة المسيح !!! معقول فضلوا 1850 سنة مش عارفين إيمانهم مضبوط ...؟؟!!!
غريبة دي .. إحنا إيماننا مستقيم ولم ولا ولن يتغير ..

إنت قلت إن بعد الإيمان المعمودية، هل ممكن الواحد يتعمد مرتين؟؟
يعني لو واحد مش أرثوذكسي وعائز يبقى أرثوذكسي، هل يتعمد
تاني؟ ولو واحد مسيحي وارتد وترك إيمانه ورجع، يتعمد تاني؟

لو واحد عائز يبقى أرثوذكسي لازم يتعمد ؛ لأن إحنا لا نوؤمن بمعمودية أي
كنيسة مختلفة عننا في الإيمان ... لأنهم بيسمحوا لأي حد إنه يعمد ، وبولس
الرسول قال :

((رَبِّ وَاحِدٌ، إِيْمَانٌ وَاحِدٌ، مَعْمُودِيَّةٌ وَاحِدَةٌ)) { أفسس 4 : 5 }

إحنا ربنا واحد .. بس إيماننا مش واحد ..
ولو واحد ترك الإيمان وعاد لا تُعاد معمديته ...

لما واحد يموت إحنا بنصلي عليه في الكنيسة ، طيب إيه الفائدة ؟ هو
مات خلاص هتنتفعه بإيه الصلاة ؟ ويعني إيه صلاة صرف الروح؟
هي الروح مش بتتصرف ثلاثة أيام ؟

بولس الرسول صلى على واحد ميت اسمه أنيسيفورس وقال
((لِيُعْطِهِ الرَّبُّ أَنْ يَجِدَ رَحْمَةً مِنَ الرَّبِّ فِي ذَلِكَ الْيَوْمِ.)) { 2 تيموثاوس 1 : 18 }
اللي بيموت بيروح الفردوس مكان الانتظار بينتظر الدينونة .. يوم الحساب ..
إحنا بنطلب من ربنا يعطي الأموات دول نياح يعني راحة نفسية وميكونوش
قلقانيين وهما منتظرين الدينونة ..
((نرحمهم في فردوس النعيم))

والصلاة على الميت عزاء لأسرته .. وكمان بنصلي علشان لو الميت عمل
خطايا سهواً أو بدون قصد أو معرفة نطلب من الله أن يغفرها ، وبنصلي
علشان القديسين وبنقول ((بركاتهم المقدسة فلتكن معنا آمين)) ...
لكن الهالكين مش بنصلي عليهم ... واحد انتحر .. مات في خطية .. أو
هرطوقي أو ساحر ودجال أو مرتد عن الإيمان .. هؤلاء لا تصلي عليهم

الكنيسة لأنهم هلكوا ...

وصلاة صرف الروح المقصود بيها صرف روح الحزن ، مش روح الميت .
الإنسان لحظة وفاته روحه تذهب إلى الفردوس أو الجحيم على طوووووول .
أسرة الميت يكونوا حزانى ومتألمين ، بيروح لهم أبونا ثالث
يوم يصلي لأجلهم ولأجل الميت.





خدمة دير مار مينا بالگردقة



الدرس السابع

الأسرار

برنامج

اعرف

عقيدتك

السبعة

The

SEVEN

Sacraments

جزء 1

الأسرار السبعة (ج 1)

س 1

أنا عارف وحافظ أسماء الأسرار السبعة ، بس مش عارف هما ليه اسمهم أسرار ؟!! كلنا بنشوف التناول والإكليل في الكنيسة وغيره.. يبقوا ليه أسرار ؟!

هما مش أسرار علشان بيتعملوا في السر !! إحنا بنحصل على نعمة متتشافشي بالعين ...!!

إيه الألغاز دي ؟ □

مش الغاز .. هبسطك ..


في المعمودية ننال نعمة الموت مع المسيح عن طريق مادة تتشاف وهي الماء ...

في الميرون .. ننال نعمة حلول الروح القدس عن طريق مادة تتشاف وهي الزيت ..

في التناول ننال نعمة الثبات في المسيح عن طريق عصير عنب وخبز ..

في سر الزيجة يصير الإثنان جسد واحد عن طريق طقس وضع الإكليل المقدس على رأس العريس والعروسة .. والصلوات الرائعة ...

وهكذا ..



من فين كنيستنا جابت عقيدة الأسرار السبعة دي ؟!

كل عقائدنا من الكتاب المقدس ...

(1) السيد المسيح هو اللي أسس سر المعمودية وهو نفسه اتعمد وقال للتلاميذ ((اذهبوا وتلمذوا جميع الأمم وعمدوهم باسم الآب والابن والروح القدس))

{ متى 28 : 18 }

(2) سر الميرون .. ميرون دي كلمة يونانية معناها دهن أو طيب .. وبرضه السيد المسيح هو اللي أسسه لما قال

((من آمن بي، كما قال الكتاب، تجري من بطنه أنهار ماء حي. قال هذا عن الروح الذي كان المؤمنون به مزعمين أن يقبلوه، لأن الروح القدس لم يكن قد أعطي بعد)) { يوحنا 7 : 37 }

(3) سر الإفخارستيا .. تناول .. أسسه السيد المسيح عندما قال ((الحق الحق أقول لكم: إن لم تأكلوا جسد ابن الإنسان وتشربوا دمه، فليس لكم حياة فيكم. من يأكل جسدي ويشرب دمي فله حياة أبدية))

{ يوحنا 6 : 53 }

(4) سر التوبة والاعتراف .. أسسه السيد المسيح لما قال ((من غفرتم خطاياهم تغفر له، ومن أمسكتم خطاياهم أمسكت))

{ يوحنا 20 : 23 }

(5) سر مسحة المرضى .. ((أمرىض أحد بينكم؟ فلیدع شيوخ الكنيسة فيصلوا عليه ويدهنوه بزيت باسم الرب))

{ يعقوب 5 : 14 }

(6) سر الزيجة .. ((من أجل هذا يترك الرجل أباه وأمه ويلتصق بامرأته، ويكون الاثنان جسداً واحداً))

{ أفسس 5 : 31 }

(7) سر الكهنوت .. ((لا تهمل الموهبة التي فيك، المعلقة لك بالنبوة مع وضع أيدي المشيخة))

{ 1 تيموثاوس 4 : 14 }

في واحد صاحبي قالي إن السيد المسيح اتعمد برش الميه على راسه
مش التغطيس فى النهر ...!! هل دا كلام صحيح ???

لأ طبعاً دا كلام خطأ مية في المية ...!! ليه ؟
علشان الإنجيل بيقول ((فلما اعتمد يسوع صعد من الماء)) { متى 3 : 16 }
صعد من الماء ... اللي يصعد من الماء هو شخص كان غاطس في المياه ..
علشان كدا بنسميه عيد الغطاس .. وبعدين المعمودية هي إننا بنموت في
المسيح ((مدفونين معه بالمعمودية)) { كولوسي 2 : 13 }
الدفن بيبقى تحت الأرض ...

الإنجيل بيقول ((من آمن واعتمد خلص)) { مرقس 16 : 16 }
يعني الإيمان ومعرفة العقيدة شرط قبل المعمودية ، طيب لما
الموضوع كدا ، ليه كنيستنا بتعمد الأطفال ??? وإفرض الطفل اللي
عمدناه كبر ورفض المسيحية .. نعمل إيه ؟؟

أي شخص بالغ وكبير في السن علشان نعمده لازم يؤمن أولاً
ويعرف ويفهم العقيدة .. لكن الكلام دا لا ينطبق على الأطفال .. ربنا حذرنا وقال
أي حد مش هيتعمد مش هيدخل الملكوت في يوحنا 3 : 5 ، لو حرمانا الطفل من
المعمودية وحصلت له حاجة مين يشيل ذنبه ؟؟
وبعدين ربنا قال ((دَعُوا الْأَوْلَادَ يَأْتُونَ إِلَيَّ وَلَا تَمْنَعُوهُمْ لِأَنَّ لِمِثْلِ هَؤُلَاءِ مَلَكُوتَ
السَّمَاوَاتِ)) { متى 19 : 14 }
وربنا قال لو مرجعناش وبقينا زي الأطفال في نقاوة قلوبنا
وبساطتنا مش هندخل الملكوت .. والكنيسة منذ (2000) سنة
كانت بتعمد الأطفال اشمعنى دلوقتي في ناس بتقول إن دا غلط !
يعني أباءنا كلهم كانوا مش فاهمين !!؟
ولو الطفل كبر وترك المسيحية يبقى مرتد ويبقى شخص
غير مؤمن ..

لو مثلاً واحدة ست كبيرة في السن بقيت مسيحية .. تتعمد إزاي؟؟
معقول تقلع هدومها زي الأطفال؟؟ وفين جرن المعمودية اللي
هيكفيها؟؟

الكبار اللي بيدخلوا في الإيمان لهم جرن المعمودية كبير خاص بيهم .. بتدخل
الشابة لوحدها أوضة المعمودية وتلبس تونية بيضاء سميكة وتنزل بنفسها في
جرن المعمودية ويدخل أبونا يغطسها ثلاث مرات ويدهنها بالميرون في الأماكن
الظاهرة من جسمها فقط ...
اطمن إحنا كنيستنا كنيسة بتحافظ على كرامة أولادها ..

في بداية المسيحية كان الآباء الرسل يضعوا أيديهم على الناس يقبلوا
الروح القدس ... ليه دلوقتى بقى بالميرون؟؟

فعلاً دا كلام مضبوط .. بس لما عدد المسيحيين زاد جداً جداً ..
أحضر الآباء الرسل الحنوط والأطياب اللي كفنوا بها جسد السيد
المسيح ووضعوا عليها زيت زيتون وصلوا عليها ...
لما مار مرقس جاء مصر جاب معاه زجاجة من الحنوط دا ..
وأيام البابا أثناسيوس أخذ الحنوط دا واطاف عليه مواد أخرى
وصلوا في الأسكندرية ووزع الميرون دا على بطاركة العالم كله ..

دخلت في مرة كنيسة جنبنا مع واحد صاحبي ومكانشي فيها مذبح !!!
وصاحبي قال لى احنا معندناش تناول !! هل دا كلام مضبوط !!!

أولاً دي مش كنيسة أصلاً .. وهتلاقي صاحبك نفسه مسميها جمعية ..
وبعدين قول لصاحبك أشعياء النبي تنبأ عن دخول المسيحية وقال
((في ذلك اليوم يكون مذبح للرب في وسط أرض مصر)) { أشعياء 19:19 }
43 فين بقى المذبح دا؟! لما تخلي الكنيسة بدون مذبح يبقى أشعياء النبي تنبأ

غلط... ويبقى الكتاب المقدس غلط وإيماننا غلط × غلط..
 بالتأكيد أشعياء النبي لا يقصد مذبح يهودي لأن مذبح اليهود في
 أورشليم بس .. ولا يقصد مذبح أوثنان لأنه كمل وقال إن المصريين
 بسبب المذبح دا هيعرفوا ربنا ويقدموا ذبيحة !!
 وبولس الرسول بيقول
 (لَنَا «مَذْبَحٌ» لَا سُلْطَانٌ لِلَّذِينَ يَخْدُمُونَ الْمَسْكَنَ أَنْ يَأْكُلُوا مِنْهُ)
 {عبرانيين 10:13}
 يعني مش من حق اليهود يأكلوا منه .. بس من حق المسيحيين ..
 فمين بقى المذبح اللي صاحبك وأسرته بياكلوا منه ..!؟

س 8

في ناس بتقول إن تناول دا مش جسد حقيقي ودم حقيقي للمسيح
 وإنه كمان ملوش لازمة ، دا بس علشان نتذكر المسيح !!!!
 ((اصنعوا هذا لذكرى)) ... إيه رأيك ؟؟

اللي بيقول كدا يبقى مش مصدق كلام المسيح ولا كلام الإنجيل ولا كلام القديسين
 على مدار 2000 سنة ... !!
 السيد المسيح بنفسه قال إن الخبز دا هو جسده وعصير العنب دا هو دمه..
 هل السيد المسيح كان بيبالغ في الكلام !!؟
 السيد المسيح كلامه دقيق وواضح ((أخذ يسوع الخبز وبارك وكسر وأعطى
 التلاميذ وقال خذوا كلوا هذا هو جسدي)) { متى 26 : 26 }
 خذ بالك "خبز" وبعد الصلاة أصبح "جسدي" ...
 ((وأخذ الكأس وشكر وأعطاهم قائلاً اشربوا منها كلكم
 لأن هذا هو دمي للعهد الجديد الذي يسفك من أجل الكثيرين
 لمغفرة الخطايا)) { متى 26 : 27-28 }
 يبقى كأس عصير الكرمة صلى عليها وقال " هذا هو دمي " وكمات " للعهد
 الجديد " يعني إحنا وفائدته إنه " لمغفرة الخطايا " ...
 لما مغفرة الخطايا ملهاش لازمة أمان إيه اللي فيه لازمة؟؟

إن إحنا ندخل الكنيسة نرقص ونهال ونصقف ونزغرد وموسيقى عالية !!
هي دي الكنيسة اللي قيل عنها ((ببيتك يا رب تليق القداسة)) والسيد المسيح
اللي شوية بياعين عاملين دوشة في الهيكل طردهم بالكرباج ..!! تخيل لو السيد
المسيح اللي مكانشي يصيح أو يسمع

أحد في الشوارع صوته ينزل على الأرض ودخل كنيسة
لقى المسيحيين اللي فيها مشغلين سماعات موسيقى وهاتك
يا زعيق ورقص هيعمل إيه فيهم؟؟

وربنا قال ((من يأكل جسدي ويشرب دمي يثبت فيّ وأنا فيه)) { يو 6 : 56 }
اللي مش عايز يثبت في المسيح هو حر ...

دا ربنا قال ((إن لم تأكلوا جسد ابن الإنسان وتشربوا دمه
فليس لكم حياة فيكم ، من يأكل جسدي ويشرب دمي له حياة أبدية
وأنا أقيمته في اليوم الأخير)) { يوحنا 6 : 53 – 54 }
يعني بدون تناول مفيش ملكوت .. مفيش حياه أبدية ..
اللى شايف إن الملكوت ملوش لازمة هو حر في نفسه .

يبقى التناول بيغفر خطايانا ويثبتنا في المسيح ويعطينا الملكوت ...
المسيحي اللي يعتبر إن دا ملوش لازمة يبقى هو ملوش لازمة ..
وبعدين الإنجيل بيقول اللي يتناول من الجسد والدم بدون استحقاق يبقى مجرم.
تخيل بقى اللي نش بيتناول أصلاً يبقى إيه ؟!!!

((من أكل هذا الخبز أو شرب كأس الرب بدون استحقاق يكون مجرمًا في جسد
الرب ودمه)) { 1 كورنثوس 11 : 27 }

المسيحيين اللي مش مصدقين حاليًا إن الخبز وعصير الكرمة يتحول إلى جسد
ارب ودمه عاملين زي اليهود اللي في أيام السيد المسيح لما قال لهم المسيح
((أنا هو الخبز الحي الذي نزل من السماء. إن أكل أحد من هذا الخبز يحيا إلى
الأبد. والخبز الذي أنا أعطي هو جسدي الذي أبذله من أجل حياة العالم، فخاصم
اليهود بعضهم بعضًا قائلين: «كيف يقدر هذا أن يعطينا جسده لناكل؟»))
{ يوحنا 6 : 51 }



سبحان الله .. نفس الدماغ !!!



خدمة دير مارمينا بالغرديقة



برنامج

اعرف

عقيدتك

الدرس الثامن

الأسرار

السبعة

جزء 2

The

SEVEN

Sacraments

الأسرار السبعة (ج 2)

س 9

إحنا بنتعمد علشان نموت مع المسيح وتتجدد طبيعتنا الفاسدة ... طيب
السيد المسيح اتعمد ليه؟؟ هو مش خاطى زينا!!!!

فعلاً السيد المسيح لم يخطئ أبداً (1 بطرس 2 : 22)
(قُدُّوسٌ بِلَا شَرٍّ وَلَا دَنَسٍ، قَدْ انفَصَلَ عَنِ الْخُطَاةِ وَصَارَ أَعْلَى مِنَ السَّمَاوَاتِ))
{ عبرانيين 7 : 26 }
يبقى السيد المسيح متعمدش علشان يظهر من الخطية .. هو مفيهوش خطية
أصلاً .. وهو بنفسه قال
((من منكم يبكتني على خطية؟)) { يوحنا 8 : 46 }
يعني أتحدى حد فيكم يقدر يجمع لي خطية واحدة عملتها ...
علشان كذا اليهود اللى كانوا بيتعمدوا على ايدين يوحنا المعمدان كانوا بيعترفوا
بخطاياهم لكن السيد المسيح لم يعترف بشيء ..
المسيح اتعمد علشان يقْدَس المعمودية ويؤسس سر المعمودية..
وإعلان الثالوث القدوس .. عيد الظهور الالهي..
وزي ما أبينا آدم كان ممثل عن كل البشر وأخطأ وطبيعتنا كلنا فسدت، السيد
المسيح كمان كان ممثل عن كل البشر وبالمعمودية تقدست طبيعتنا تاني ...
وبخطية أبينا آدم حدثت عداوة بين السمايين والأرضيين، ولما جاء السيد
المسيح عمل مصالحة بين الأرضيين والسمايين عن طريق التجسد والمعمودية
والفداء على الصليب ، وكم ان الناموس اليهودي يقول إن المسيح لازم يختتن
ويصوم ويتعمد ...
زي ما صام وهو مش محتاج للصوم ، ومات وهو مش مستحق
الموت، اتعمد علشان يقدم صورة كاملة للبشر ومحدث
يقدر يبكته على خطية ...

هو الطفل بيترشم بزيت الميرون قبل المعمودية ولا بعدها .. لأنني أحياناً ألقى أبونا بيرشم الطفل قبل المعمودية !! فهل دا تصرف صحيح؟؟

- انت متلخبط بين زيت الفرخ وزيت الميرون ، وعموماً ،

- يوجد في الكنيسة أربعة أنواع من الزيوت :-

(1) زيت الغاليلون ... وكلمة غاليلون دي كلمة يونانية معناها الفرخ .. ودا أبونا بيدهن بيه الطفل قبل المعمودية أثناء جحد الشيطان

علشان يمنع الشياطين عن الطفل ..

(2) زيت الميرون .. دا بعد المعمودية مباشرة .. 36 رشمة ..

لحلول الروح القدس على الطفل .

(3) زيت أبو غلامسيس .. ودا أثناء قراءة سفر الرؤيا في الكنيسة .. بالليل قوي بعد الجمعة العظيمة ..

(4) زيت مسحة المرضى .. ودا بيسموه الزيت العادي الساذج .. علشان مش بنضيف له أي إضافات .

يعني إيه اللي يتناول جسد الرب ودمه بدون استحقاق يبقى مجرم في حق جسد الرب ودمه !؟

يعني لو انت روحت علشان تتناول وانت مش تايب أو معترف دا غلط.. أو معترف بس من جواك انت ناوي انك بعد التناول ترجع للخطية تاني .. ومفرقاش معاك موضوع التناول ..

أهم شيء تكون تايب وناوي تتغير وتسبب الخطية .. ولو اتناولت وغصب عنك وقعت في الخطية تاني أو خمسين حتى مش مشكلة روح توب واعترف تاني واتناول وأهم شيء ميكونشي حد زعلان منك ..

((إجعلنا مستحقين كلنا يا سيدنا أن نتناول من قدساتك

طهارة لأنفسنا وأجسادنا وأرواحنا))

في مسيحيين يقولوا مفيش حاجة اسمها أب كاهن وكهنة ... !!!
المسيحية مفيهاش كهنة !! ومسيحيين تانيين يقولوا كلنا كهنة !!
إيه رأيك !!؟

اللي يقولوا كدا بيرفضوا تعليم الكتاب المقدس ..
إزاي؟؟؟؟؟؟

الإنجيل بيوصف السيد المسيح إنه (رئيس كهنة
على رتبة ملكي صادق) عبرانيين 5 : 10 ، وملكى صادق دا كان كاهن في العهد
القديم واستخدم الخبز وعصير الكرمة في صلواته ، المهم .. السؤال هنا .. طالما
السيد المسيح رئيس كهنة فين الكهنة اللي هو بيرأسهم ؟؟؟!!
دا سؤال للي يقولوا مفيش كهنوت..

وفي أعمال الرسل 20 : 28 بيقول للأباء خدوا بالكوا من الشعب اللي الروح
القدس أقامكم عليهم أساقفة لترعوا كنيسة الله .. إزاي يبقى في أساقفة ومفيش
كهنة ؟؟؟ وكنيسة إيه دي اللي فيها أساقفة ومفيهاش كهنة ؟؟ بولس الرسول
نفسه وصف نفسه إنه كاهن لما قال

((حتى أكون خادماً ليسوع المسيح لأجل الأمم مباشرةً لأنجيل الله ككاهن ليكون
قربان الأمم مقبولاً مقدساً بالروح القدس)) { رومية 15 : 16 }
بولس الرسول يقول عن نفسه إنه كاهن ، وشوية مسيحيين يقولوا مفيش حاجة
اسمها كاهن ... !!! كلمة ربنا صادقة وهم كاذبون

وأعمال الرسل 14 : 23 بيوضح إن تلاميذ المسيح كانوا بيرسموا كهنة في كل
كنيسة .. وكمان لازم الكنيسة يكون فيها شمامسة ((يجب أن يكون الشمامسة
ذوي وقار)) { 1 تيموثاوس 3 : 8 } .. وقار يعني محترمين .. واستفانوس كان
رئيس شمامسة { أعمال الرسل 6 : 6 } وكلمة سر جمعها أسرار أو سرائر ..
والإنجيل بيوصف الكهنة إنهم ((خدام المسيح ووكلاء سرائر الله))
{ 1 كورنثوس 4 : 1 } .

((لا يأخذ أحد هذه الكرامة من نفسه بل المدعو من الله كما هارون أيضاً))
{ عبرانيين 5 : 4 } طيب هارون أخذ إيه ؟ أخذ الكهنوت .

اللي بيرفضوا الكهنوت رفضوا الأسرار وحرموا

نفسهم من المسيح ..
والنوع الثاني من المسيحيين اللي بيقلوا كلنا كهنة .. أنا كاهن وانت كاهن وكلنا
{ رؤيا 1 : 6 } كهنة وتلاقيه بيقلوك الآية ((جعلنا ملوكًا وكهنة الله أبية))

وهنا أريد أن أسأل فين كلمة ((كلنا))؟؟ في الآية يقول
إن ربنا جعل فينا ناس ملوك وجعل فينا ناس كهنة .. فين كلنا ؟
كلمة ملوك كمان ناخدها بمعناها الروحي يعني إننا أولاد ملك الملوك ورب
الأرباب .. وكلمة كهنة برضه ناخدها بالمعنى الروحي مش إني أبقي كاهن حقيقي
وأصلي في الهيكل على المذبح زي أبونا !!
((فلتستقم صلاتي كالبخور قدامك وليكن رفع يدي ذبيحة مسائية))
{ مزمور 141 : 2 }

هو دا الكهنوت الروحي .. إن صلاتي زي البخور ورفع يدي للصلاة ذبيحة ..
وأقدم جسدي للمسيح ذبيحة .. والتسبيح ذبيحة .. الكهنوت الروحي دا لجميع
المسيحيين .. أقدم للمسيح صلاه واقدمله جسدي ..
وبعدين لما كلنا نبقي كهنة ، مين هيبقى الشعب ؟!

س 13

أنا أعرف إن ربنا بس هو اللي يغفر الخطايا .. إزاي بقى أبونا في
الاعتراف بيغفر خطايا الشخص المعترف !!؟

فعلاً الكتاب المقدس يقول ((مَنْ يَقْدِرُ أَنْ يَغْفِرَ خَطَايَا إِلَّا اللَّهُ وَحْدَهُ؟))
{ مرقس 2 : 7 }

أولاً: المسيح هو اللي قال إن الكاهن يغفر الخطايا مش احنا اللي اخترعنا عقيدة .
((من غفرتم خطاياهم تُغفر له)) { يوحنا 20 : 23 }
عموماً الغفران ثلاث أنواع :-

1- غفران الله 2- غفران الناس لبعضهم البعض 3 - غفران الكاهن
بدون غفران الله لا نستطيع أن ندخل الملكوت ، وغفران الناس لبعضهم يعني
يسامحوا بعض ((وَاعْفِرْ لَنَا ذُنُوبَنَا كَمَا نَعْفِرُ نَحْنُ أَيْضًا لِلْمُذْنِبِينَ إِلَيْنَا)) ..

{ متى 6 : 12 }

50

غفرتك للناس مش معناها إنك مسحت خطاياهم !!!
 لا .. معناها إنك متنازل عن حقك عن حب لهم وتسامح .
 ((مُحْتَمِلِينَ بَعْضُكُمْ بَعْضًا، وَمُسَامِحِينَ بَعْضُكُمْ بَعْضًا إِنْ كَانَ لِأَحَدٍ عَلَى أَحَدٍ
 شَكْوَى. كَمَا غَفَرَ لَكُمْ الْمَسِيحُ هَكَذَا أَنْتُمْ أَيْضًا)) { كولوسي 3 : 13 }
 أما الأب الكاهن فلا يغفر لك الخطية وإنما يعلن لك أن ربنا غفر لك الخطية ..
 لأن ما يحله على الأرض يكون محلولا في السماء .. متى 19:16 .. مهمة الكاهن
 في الاعتراف إنه يتأكد إنك تستاهل غفران المسيح .. يتأكد إنك تائب ..
 الأب الكاهن هو وكيل الله على الأرض .. مش هتلاقي أب كاهن يقولك
 مغفورة لك خطاياك !! هتلاقيه بيقولك .. الله يحالك .. ويصلي ويقول
 ((اغفر له خطياه ، وحاله ، وباركه ، طهره)) ..
 أبونا هنا بيكلم مين ؟؟ بيكلم ربنا ... وفي القديس أبونا يقول
 ((يكونوا محاللين من فمي بروحك القدوس))
 يبقى إحنا بناخد الحِل من خطايانا بالروح القدس
 عن طريق فم الكاهن .

س 14

ما الفرق بين المعمودية يوحنا ومعموديتنا حاليًا ؟

معمودية يوحنا مكانشي المتعمد فيها يصير ابنًا لله ..
 في معموديتنا نحن نصبح أبناء الله ..
 ولا يحل فيها الروح القدس .. معمودية يوحنا كانت تعرف الواحد إنه إنسان
 خاطئ
 ومحتاج للتوبة ، لكن مكانتشي بتغفر الخطايا لأنه مكانشي يحل فيها الروح
 القدس
 معمودية يوحنا كانت بتجهز الناس ..
 تعرفهم إنهم خطاه ومحتاجين للمخلص
 زي واحد مش عارف إنه مريض بتعرفه مرضه وترشده للطبيب
 اللي هيعطيه الدواء الشافي ...
 ومعمودية يوحنا كانت لليهود فقط ..



خدمة دير مارمينا بالگردقة

برنامج

اعرف
عقيدتك

الدرس التاسع

إلهية

الاصحاح

جزء 1

إلهية المسيح (ج 1)

س 1

ليه في ناس معترضة على إلهية المسيح ؟ ويقولوا إن المسيح نبي
أو إن المسيح مخلوق زي باقي المخلوقات ؟

السبب الرئيسي عدم الفهم .. الناس دي مش قادرة تميز
وتفصل بين الآيات اللي بتخص لاهوت السيد المسيح والآيات اللي بتخص
ناسوته .. يلاقوا مواقف وآيات بتتكلم عن عطش وجوع وألم وحزن وبكاء
وموت المسيح يفتكروا إن الآيات دي عن اللاهوت!!!!
مثلاً نوم السيد المسيح في المركب .. يقولك استغفر الله العظيم الله ينام ؟!
بتؤمن بالله نايم !!! حسبي الله ونعم الوكيل فيكم .. !!!
وفي ناس تانية لنيمة .. يقطعوا جزء من آية أو آية من إصحاح ويهللوا!
وفي ناس تلاقي واحد على الشاشة يهاجم ويسب وينتقد المسيحية فيمشوا
وراه عميانى .. لا يسأل ولا يتأكد المعلومة دي صح أم خطأ.

س 2

الإنجيل بيقول عن السيد المسيح إنه (بداة خليقة الله) رؤيا 3 : 14 .
يبقى كدا السيد المسيح هو أول حاجة خلقها الله ... !!! يبقى السيد
المسيح مخلوق مش خالق ...!! يبقى مش إله !!!!

في اللغة العربية كلمة (بداة) تعني قبل كل شيء < معجم المحيط.
في اليوناني كلمة أرشي معناها فوق الزمن . أو خالق الزمن .
زي (في البدء كان الكلمة والكلمة كان عند الله وكان الكلمة الله) يوحنا 1 : 1
... في البدء —> أرشي ، بداة —> أرشي
لكن لو كلمة أرشي جاء معها كلمة ابو أو اكي يبقى معناها وقت
زمني محدد .. زي (كما سلمها إلينا الذين كانوا منذ البدء) لوقا 1 : 2
منذ البدء —> اكي أرشي ، ، يعني من أول خدمة السيد المسيح مش الأزل .
الأزل هو قبل الأزمنة والعصور ...
((لأن يسوع من البدء علم من هم الذين لا يؤمنون)) يوحنا 6 : 64
من البدء —> يعني من بداية خدمته
يبقى بداة خليقة الله يعني أصل ورئيس الخليقة والمتسلط عليها..

53

السيد المسيح هو عقل الله وكلمة الله الي فيه كل العلم والحكمة والمعرفة .. إزاي يبقى هو مش عارف موعد نهاية العالم ؟!! (أما ذلك اليوم وتلك الساعة فلا يعلم بها أحد ولا الملائكة الذين في السماء ، ولا الابن إلا الآب) مرقس 13 : 32 ، طالما الابن واحد مع الآب في الجوهر يبقى الي يعرفه الآب يعرفه الابن ... ولا إيه ؟!!

ابن الله له طبيعة واحدة من طبيعتين متحدتين بغير اختلاط ولا امتزاج ولا تغيير .. ببساطة شديدة .. ابن الله له طبيعتين .. طبيعة الالهية وطبيعة بشرية ..

بطبيعته البشرية يعطش وبطبيعته الإلهية يروي العالم كله ... يجوع بناسوته ويطعم الطيور والحيوانات والبشر بلاهوته .. يتألم بناسوته ولا يمسه الألم بلاهوته ... هو الميت الحي .. الميت بناسوته والحي بلاهوته .. فهو حسب ناسوته كان يجهل ساعة القيامة وبلاهوته يعلم كل العلم ويعرف كل المعرفة ..

ما الدليل أن كلمت (الابن) هنا المقصود بها ناسوته وليس لاهوته .. ؟!

أولاً .. هو مقالشي (ولا ابن الله يعرف) بل قال ولا الابن .. الدليل إنه لو كان يقصد الابن بلاهوته يبقى كمان الروح القدس ميعرفش !! مع إن (الروح يفحص كل شيء حتى أعماق الله) ا كو 2 : 10 ، يبقى الروح القدس الي يعرف أعماق الله لا يعرف موعد ساعة القيامة !! مش ممكن !! ، وكمان هو وضع نفسه هنا مع البشر والملايكة وقال إن البشر والملايكة والابن ما يعرفوش يبقى يقصد الناسوت ..

هل السيد المسيح قال عن نفسه بشكل واضح إنه الله ؟

أيوه قال .. لما أرسل التلميذين ليحضرا له الأتان قال لهم
لو حد سألکم بتفکوا الحمار دا ليه قولوا لهم
(الرب محتاج إلیه) لوقا 19 : 32 ، ، الرب = الله ..
وبعدين هو تصرفاته ومعجزاته وسلطانه على الطبيعة والموت كل دا يثبت إنه هو
الله .. يبقى لو واحد وسط الناس اشترى عربية بـ 3 مليون جنيه .. هل دا محتاج
يقول للناس "أنا غني!!" !!..
كل الناس اللي حوالیه عرفوا إنه غني ..

إزاي السيد المسيح هو الله ويقول للشاب الغني (لا تدعوني صالحًا
لأن ليس أحد صالحًا إلا الله وحده) ، الولد بيقوله أيها المعلم الصالح
.. يروح هو يقوله متقولشي عليّ صالح !! الله بس هو الصالح !!
طيب ما هو الله !!

السيد المسيح مقالشي للشاب (لا تدعوني صالحًا) .. Don't ..
قاله (لماذا تدعوني صالحًا؟) Why متى 19 : 16
ليه سألته ؟ ...

علشان صفة الصلاح دي خاصة بالله فقط
"الجميع زاغوا وفسدوا معًا، ليس من يعمل صلاحًا ليس ولا واحد"
رومية 3 : 10 مفيش حد "صالح" إلا الله ...
اليهود بقى كانوا يقولوا اللقب الإلهي دا لرؤساء الكهنة كنوع من النفاق !!
السيد المسيح بيسأل الشاب .. لو إنت بتدعوني صالح كنوع من النفاق أنا لا
أقبل .. ولو كنت تؤمن بالوهيتي فلا مانع ..
والدليل إن السيد المسيح سمى نفسه
(أنا هو الراعي الصالح) يوحنا 10 : 11

يعني ايه عبارة إن السيد المسيح هو ابن الله الوحيد؟؟ هل معناها إن ربنا مخلفش غيره؟؟

إحنا قلنا إن كلمة ابن مش كلمة جسدية ، دي كلمة روحية
زي ما بنقول على واحد إنه "ابن البلد" أو "ابن النيل"
مش معقول إننا نقصد إن البلد اتزوجت البلد اللي جنبها وخلفوه !!!
كلمة "ابن الله الوحيد" معناها إنه هو الوحيد اللي من نفس طبيعة ربنا ..
مش زينا أبناء الله بالمحبة والتبني ... ربنا حبنا واعتبرنا أبناءه بقينا أبناءه ،
لكن هل إحنا من نفس طبيعة ربنا ؟
حاشا .. إحنا طبيعتنا بشرية .. هو طبيعته إلهية ...
((الله لم يره أحد قط ، الابن الوحيد الكائن في حضن الآب هو خبر))
{يو 1 : 18}

زي ما احنا بنقول إن ضوء الشمس هو ضوء الشمس الوحيد اللي من نفس طبيعتها .. لكن ضوء اللمبة دا من طبيعة أخرى صناعية .

السيد المسيح قال "أنا والآب واحد" يوحنا 10 : 30 ،، هل ينفع نقول على الابن إنه آب؟؟

لأ طبعًا .. أنا والآب واحد يعني من نفس الطبيعة ..
واحد في الجوهر .. لكن مش واحد في الأقانيم ..
زي شعاع الشمس هو والشمس من نفس الطبيعة والجوهر ،
لكن دا شعاع ودي شمس.

القديس اسطفانوس وهما بيرجموه بص للسماء وقال "ها أنا أرى السماء مفتوحة وابن الإنسان قائماً عن يمين الله" (أع 7 : 56) . إيه معنى الكلام دا ؟ هل معناه إن الله جالس عن يمين الله ؟

الله ملهوش جسد .. ولا له يمين ولا شمال .. الله روح .. مش إنسان ..
وكمان هو غير محدود .. كلمة اليمين رمز للقوة .. ومعنى العبارة
إن الفترة اللي كان فيها المسيح مضروب مهان مذلول مجروح متألم
قد انتهت وعاد المسيح إلى قوته وبهائه ومجده ..
طبعاً الشهيد اسطفانوس مشافش الآب بلاهوته ..
هو شافه بالجسد الممجد الباهي ..



ما هي الصفات التي يجب أن تكون في المسيح لكي نقول ونؤكد أنه الله؟؟

- أول صفة خالق
((في البدء خلق الله السماوات والأرض)) {تك 1 : 1}
والإنجيل وصف السيد المسيح إنه خالق
((وكل شيء به كان، وبغيره لم يكن شيء مما كان)) {يوحنا 9}.
- الله له سلطان على أرواحنا ...
والسيد المسيح أعاد الروح لابنة يائرس وابن أرملة نايين ولعاذر ...
- والسيد المسيح قال
((كما أن الآب يقيم الأموات ويحيي ، كذلك الابن يحيي من يشاء))
{يوحنا 5 : 21}
- الله موجود قبل البشر وقبل الكون والسيد المسيح قال عن نفسه
((أنا يسوع .. أنا أصل وذرية داود)) {رؤيا 22 : 16}
يعني بالرغم من إني من نسل داود بالجسد إلا إني في نفس الوقت
أنا إله داوود وخالقه باللاهوت ..



St-Takla.org



خدمة دير مارمينا بالگردقة

برنامج

اعرف
عقيدتك

الدرس العاشر

إلهية

الأنجيل

جزء 2

إلهية المسيح (ج 2)

س 10

دخلت على أحد المواقع واحد سألني سؤال شككني في الإيمان.. !
قالي هتبتك من الإنجيل إن المسيح مش هو الله !!! وذكر لي آيه من
إنجيل يوحنا بيقول فيها المسيح (وهذه هي الحياة الأبدية : أن
يعرفوك أنت الإله الحقيقي وحدك ويسوع المسيح الذي أرسلته)
يوحنا 17 : 3 . آدي المسيح بيقول إن الله الآب هو الإله الحقيقي
وحده !! يبقى المسيح بيعترف إنه مش الله !!

في العهد القديم كان يوجد آلهة كثيرة .. كثيرة جدًا، بس مش
معنى إن الناس بتعتبرهم آلهة أنهم آلهة حقيقيين ..
(لأن كل آلهة الأمم شياطين) مزمور 86 ،

هنا السيد المسيح يؤكد إن الله الآب هو الإله الحقيقي مش زي الآلهة دي ...
والسيد المسيح لا يقصد إن الله الآب هو فقط إله والابن ليس إلهًا ، وإلا هيبقى
كمان الروح القدس مش إله !! لأنه بيقول (أنت الإله الحقيقي وحدك)
في نفس الإصحاح دا بيقول عن السيد المسيح إنه يعطي حياة أبدية لكل أحد ..
والله هو الوحيد الذي له الحق أن يدخلك الملكوت ...
وبيوصفه كمان إنه له سلطان على كل إنسان وبرضه الله وحده هو اللى له
سلطان على كل البشر ...

لو وصفنا الشمس إنها النور الطبيعي الباهر في العالم ، هل معنى كدا إن شعاع
الشمس مش نور طبيعي؟!!!

طبيعي ضوء الشمس مُرسل من الشمس ومُتحد بها بغير انفصال ..
علشان كدا السيد المسيح قال (أنا في الآب والآب فيَّ) يوحنا 10 : 30 .
هنا السيد المسيح مش بي فصل نفسه عن الآب .. لكن بي فصل
الآب عن الآلهة الوثنية الأخرى ..

مثال تاني .. الإنجيل بيقول عن الله الآب (الذي وحده له عدم الموت)

1 تيموثاوس 6 : 16 ، ،

هل معنى كذا إن أقنوم الابن قابل للموت ؟ وأقنوم الروح القدس
 اللي هو أقنوم الحياة قابل للموت ؟!! مستحيل ..
 والإنجيل يقول عن الابن (ليس بأحد غيره الخلاص) أعمال الرسل 4 : 11 ،
 هل معنى كذا إن الآب والروح القدس ليس لهم علاقة بالخلاص ؟!
 دا الإنجيل يقول (هكذا أحب الله العالم حتى بذل ابنه الوحيد) يوحنا 3 : 16 .
 لما المسيح قال (للرب إلهك تسجد وإياه وحده تعبد) هل معنى كذا لا نسجد للابن
 والروح القدس ولا نعبدهم ؟!!
 وبعدين إحنا عرفنا الآب عن طريق أقنوم الحكمة والمعرفة اللي هو المسيح ..
 يبقى كلمة الإله الواحد يقصد بها أقنوم الآب والابن والروح القدس .
 والدليل (أنا والآب واحد) يوحنا 10 : 30 .. والآية الرائعة التي تقول :
 (وأنا قد أعطيتهم المجد الذي أعطيتني ليكونوا واحداً كما أننا نحن واحد)
 يوحنا 17 : 22 ... كما أننا نحن واحد .. مين "نحن" ؟
 وكمان الإنجيل بيوصف السيد المسيح إنه هو الإله الحق
 (ونعلم أن ابن الله قد جاء وأعطانا بصيرة لنعرف الحق ونحن في الحق في ابنه
 يسوع المسيح ، هذا هو الإله الحق والحياة الأبدية) 1 يوحنا 5 : 20 .
 شايف عبارة "يسوع المسيح هو الإله الحق" .. اللي بتفكرنا
 بالآية الجميلة في العهد القديم بتقول
 (يا رب الجنود إله إسرائيل الجالس فوق الكروبيم
 أنت هو الإله وحدك) أشعياء 37 : 16 .

س 11

في مبدأ في الإنجيل يقول إن العبد مش أعظم من سيده ولا رسول
 أعظم من اللي أرسله .. (يوحنا 13 : 16) .. طيب حسب المبدأ دا
 المسيح لا يكون أعظم من الآب لأن الآب أرسله .. وبالتالي لا يكون
 المسيح إله !!!

فعلاً السيد المسيح قال إن الآب أرسله
 (أنا أعرفه لأنني منه وهو أرسلني) { يوحنا 7 : 28 } ...
 أولاً : السيد المسيح يؤكد إنه يعرف الآب .. ليه؟ لأنه منه ..

61

من نفس طبيعته .. يعني المسيح مش بشر .. لا ..
 دا له طبيعة إلهية من نفس طبيعة الآب الإلهية .. يعني نور
 من نور .. إله حق من إله حق .. المهم .. في نوعين من الإرسال ..
 الأول : إرسال خارجي زي ما قائد يرسل جندي في مهمة .. هنا عندنا
 شخصين منفصلين مختلفين .. قائد وجندي .. وطبعاً القائد أعظم
 من الجندي .. ودا اللي يقصده يوحنا 13 ..
 والنوع الثاني من الإرسال : هو إرسال ذاتي داخلي زي ما حضرتك تمد إيدك
 تجيب حاجة من على الرف .. لما أنت أرسلت إيدك هل إيدك انفصلت عنك ؟!
 هل إنت وإيدك شخصين مختلفين ؟!! طبعاً لا .. لما الشمس بترسل
 شعاعها ينقي ويظهر كل الأرض .. هل انفصل الشعاع عن الشمس ؟!!
 هل هناك فرق بين الله وعقله ؟!! لا طبعاً ..
 طيب إيه عرّفنا إن إرسال الآب للابن مش من النوع الأول ؟!
 الدليل إن الآب في الابن والابن في الآب .. يعني متحدين غير منفصلين ...
 يعني إرسال ذاتي .. علشان كذا قال (لأني منه). يقول أشعيا النبي
 عن السيد المسيح (منذ وجوده أنا هناك والآن السيد الرب أرسلني وروحه)
 {أشعيا 48 : 16} ، منذ وجود الله وأنا موجود .. هل يجروء إنسان عادي
 يقول الجملة دي ؟!! مستحيل .. مين اللي أرسل ؟
 ذات الله وروحه ..
 وبسبب الإرسالية دي بقينا نقول عن يقين " الله معنا " .

س 12

الله قادر على كل شيء .. إزاي بقى المسيح يقول عن نفسه إنه
 ميقدرش ؟!! (لا يقدر الابن أن يعمل من نفسه شيئاً) يوحنا 5 : 19
 ، طالما لا يقدر، يبقى مش إله !!!

الآب والابن والروح القدس لهم قدرة واحدة وعمل
 واحد ومشينة واحدة .. يعني إيه ؟ .. يعني مش هتلاقي
 الآب يريد خلاص العالم والابن لا يريد !!!!! مش هتلاقي الآب يقدر
 على خلق العالم والابن لا يقدر !!!

62

إحنا كبشر كثير بنعاني من صراع داخلي .. روعي تريد حياة القداسة
وجسدي لا يريد .. روعي تقبل الله .. وعقلي لا يقبله ...
الله مش كدا .. الأقانيم الثلاثة متحدة في الإرادة والعمل
والقدرة ... السيد المسيح يقدر على كل شيء والدليل من
نفس هذا الإصحاح الخامس بيقول إيه (لأن مهما عمل ذاك فهذا يعمل الابن
كذلك) { يوحنا 5 : 19 } ، ،

يعني إي كان الشيء الذي يقدر الآب أن يفعله يقدر الابن أن يفعله ..
كلمة لا يقدر هنا معناها إن إقنوم الابن لا يفعل شيء لا يريده أقنوم الآب ..
أقانيم ربنا ما فيش بينها صراع .. مفيش بينها انفصال ..
السيد المسيح في نفس الإصحاح برضه أعطانا مثال إنه يقدر على فعل
أي شيء يفعله الآب عندما قال (كما أن الآب يقيم الأموات ويحيي ،
كذلك الابن أيضاً يحيي من يشاء) { يوحنا 5 : 21 } .
تخيل إثنين مشاركين بعض في تجارة .. وضعوا مبدأ إن محدش فيهم
ياخذ قرار إلا بموافقة الثاني ... لو رحت لواحد منهم تقوله عايزك
توافق على الصفقة دي .. يقولك مقدرش .. !!
هنا كلمة مقدرش مش معناها عدم القدرة ، معناها مينفعش .. لأن دا مبدأ
الشراكة اللي بينه وبين شريكه في الشغل ...
لو الابن يشاء شيء والآب يشاء شيء ضده يبقى الأقانيم منفصلين
مش متحدين ويبقوا ثلاثة آلهة مش إله واحد ..
والإنجيل بيوصف السيد المسيح إنه قادر على كل شيء
(والقادر أن يفعل كل شيء أكثر جدًّا مما نطلب أو نفتكر)
{أفسس 3 : 20}.



إحنا بنؤمن إن السيد المسيح أزلي يعني ملوش بداية ... طيب إزاي في سفر الأمثال بيقول (الرب قناني أول طريقه) أمثال 8 : 22 ، يعني أول حاجة خلقها الله هي السيد المسيح ...!!! يعني السيد المسيح مخلوق مش خالق ...!!! يعني مش إله !!

كلمة قناني جاية من الفعل "يقتني" يعني يملك .. مش يخلق .. وهنا يعني يلد .. زي ما بنقول فلان اقتنى ابنا .. يعني أنجب ابناً .. مش خلق ابناً ..

إيه الدليل على التفسير دا ؟

الدليل .. الآية اللي بعدها على طول رقم 23 يكمل ويقول إن الاقتناء دا (منذ الأزل) يعني قبل الزمن وقبل العالم والخلقة والبشر ... ولادة نور من نور .. وبعدين اللي يقول إن ربنا في يوم من الأيام كان موجوداً بدون عقل دا يبقى بني آدم ما فيهموش عقل !! أي شيء منذ الأزل يبقى إلهي على طوووول . البشر كل قوانينهم وأمورهم لها زمن ، لها بداية